



CONGREGATIO PRO EPISCOPIS

Dicasterium pro Episcopis ex 5 Iunii 2022

ITALIAE

De Conferentiae Episcoporum decreti generalis recognitione

DECRETUM

Em.mus P.D. Matthaeus Maria S. R. E. Card. Zuppi, Conferentiae Episcoporum Italiae Praeses, ipsius Conferentiae nomine, ab Apostolica Sede postulavit, ut canonis 1336 § 2,2° et § 4,5° Codicis Iuris Canonici norma complementaris, a conventu plenario Conferentiae ad normam iuris adprobata, rite recognosceretur.

Dicasterium pro Episcopis, vi facultatum sibi articulo 110 Constitutionis Apostolicae “Praedicate Evangelium” tributarum et collatis consiliis cum Dicasteriis quorum interest, memoratam normam, prout in adnexo exemplari continentur, iuri canonico universali accommodatam repperit et ratam habet.

Quapropter, eadem norma, modis ac temporibus a memorata Conferentia determinatis, promulgari poterit.

Datum Romae ex Aedibus Dicasterii pro Episcopis, die 1° mensis Decembris anno 2023.

Robert Card. Prevost
Præf.

+ Anton de Jesus Montanari
A. Secret.